



Press Clippings

MingPao Daily

13th June 2009

B17

Related information: <http://www.wahyanonefamily.org/folkmusic2009.html>

Wah Yan One Family Foundation Website: www.wahyanonefamily.org

華仁舊生搞比賽 復興民歌



為咗復興日漸式微嘅民歌文化，「華仁一家」喺嚟緊嘅8月30日會舉辦「華仁一家民歌比賽2009」，請咗梁繼璋（右一）做司儀，仲有唱民歌出身嘅李麗蕊（左二）做表演嘉賓。港華校長譚兆炳（右二）同九華校長陳岡（左一），當然有份做評判啦。
（李紹昌攝）

《Those were the days》、《Today》呢啲民歌，Emily以為香港已經無乜人聽，噉日同教育組嘅同事傾開偈，同事就話好懷念中學時放學後拎起支結他，同班書友仔圍埋唱民歌嘅日子。唔好以為Emily呢位同事「好老餅」，同樣喜歡民歌嘅，原來仲有名人輩出嘅華仁舊生，由港華同九華舊生組成嘅「華仁一家」，眼見民歌文化逐漸式微，決定喺8月30日搞場「華仁一家民歌比賽2009」，實行要復興民歌！

華仁校友可參賽

華仁一家嘅總幹事方永康同Emily講，所有「華仁仔」都可以組隊參賽，啱家已經有20幾隊報名，得獎嘅隊伍仲可以睇出年華仁90周年校慶表演，可謂威到十足。要報名就要趁早喇，呢個月底30號就截止。公民黨嘅梁家傑（Alan）係九華校友，佢話學生年代都有跟啲師兄學吓彈結他，《Today》嘅4個chord都識彈。不過Alan話唔知華仁搞咗個民歌比賽，要睇吓有無時間先決定會唔會參賽。

有關比賽詳情，可以睇吓華仁一家基金會網頁：

www.wahyanonefamily.org

Wah Yan One Family Foundation Limited

17/F Centre Point, 181 Gloucester Road, Wanchai, Hong Kong T: 2891 9970 F: 2310 2099 W: www.wahyanonefamily.org